



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. Utrum Vicarius Generalis, non obstante eo errore, quòd in Rescripto
positus fuerit tertius gradus consanguinitatis loco terrii affinitatis & c.
dispensare nihilominus potuerit, ut dictæ personæ ...

urn:nbn:de:hbz:466:1-41144

C A S U S LXXX.

*De dispensatione ad contrahendum matrimonium, de-
que errore in ea commisso.*

CAjus vult matrimonium contrahere eum Caja divite puella, sed cum audiat, eam in tertio affinitatis gradu sibi conjunctam esse, dispensationem a Pontifice petit, re tota syncerè eidem proposita. Pontifex perlecta supplicatione committit Vicario Generali, ut si noverit preces veritate niti, dispenset cum Cajo ad ducendam Cajam; sed cum in Bulla Pontificia erratum sit, & loco affinitatis positus sit tertius gradus consanguinitatis, ac loco Caji positum sit nomen Titi, & loco Dioecesis A. Dicecessis B. idcirco Vicarius Generalis dubius hæret, an cum Cajo dispensare possit? Unde

QUÆR. I. *Utrum Vicarius Generalis, non obstante eo errore, quod in Rescripto positus fuerit tertius gradus consanguinitatis loco tertii affinitatis, dispensare nihilominus potuerit, ut diilæ personæ matrimonio junc-
gantur?*

QUÆR. II. *An error, qui committitur in nomine mutato, vitiet Rescri-
tum, seu dispensationem?*

QUÆR. III. *An & qualis Vicarius Generalis exequi possit commissionem,
qua per errorem sit Officiali, seu Vicario Gen. Dioecesis A. loco Dia-
cesis B.?*

AD I. Q. Noto, posse ali-
463 quam qualitatem adjici
Legatis, Rescriptis &c.
causâ demonstrationis, &
causâ taxationis. Quando autem
censeatur aliquid adjectum causâ
demonstrationis, & quando causâ
taxationis, explicat Fel. C. super
litteris n. 4. de Rescript. ubi cum aliis
Jurisperitis hanc tradit regulam.
Gratia

Gratiâ demonstrationis censetur aliquid apponi, quando sub diversis verborum conceptionibus exprimitur; causâ vero taxationis, quando sub una verborum conceptione exprimitur. Exemplum ponunt in legatis, ubi si præcedat dispositio testatoris significans, quid solvi debeat, & postea subnectatur præstatio, unde facienda sit, ac proinde duæ sint orationes, aditio illa videtur apposita gratiâ demonstrationis, unde non limitat dispositionem, sed solum demonstrat, unde facilius solvi possit, & sic quamvis deficit, adhuc debetur; quando vero unica est oratio significans, quid, & unde solvi debeat, tunc illa assignatio taxat dispositionem, ac ea deficiente deficit, v. g. lego centum, quæ sunt in arca, vel quæ mihi debet Cagus, ubi, si non sunt in arca, vel Cagus non debeat, perit legatum. Aliud exemplum in Beneficiis ponit Borojus in 1. lectura n. 45. ut sit causa demonstrationis, v. g. confero tibi hoc Beneficium, quod fuit erectum in tali Ecclesia pro dignitate, vel quod est dignitas in tali Ecclesia; Causa vero taxationis, confero tibi dignitatem talis Ecclesiae &c. Verum hanc regulam non procedere universaliiter latè probat Tambur. de Sacrif. Miss. l. 3. c. 1. §. 3. n. 80. cùm res à Notariis, seu scribis dependeat, qui vel unica oratione, vel multiplici legatum suo arbitratu, & sine ullo delectu scribere so-

lent. Sanch, verò l. 8. D. 21. ait, eam regulam bene adaptari posse legatis, & Contractibus; non autem dispensationibus, & Beneficiorum impetrationibus, quia cùm forma communis sic se habeat: proponit supplicans se esse conjunctum in tali gradu cum scœmina, quam vult ducere; in beneficii vero impetratione: proponit in tali Ecclesia vacare Beneficium curatum: & Pontifex simpliciter respondet, si ita est, dispensetur, vel conferatur, vel ipsem conferat, censeretur, semper adiectam esse qualitatem per modum taxationis, & ita inutili fore dispensationem, cùm semper sit unica oratio: Unde concludit non esse sufficiens signum ad colligendum apponi gratiâ taxationis, unicam esse orationem, sed aliunde id petendum esse. His præmissis.

Ad 1. Q. Videtur, non posse 464
Vicarium Generalem dispensare cum Cajo, & Caja ad contrahendum, quia, licet quando error qualitatis adjicitur per modum demonstrationis non faciat inutili dispensationem, vel Rescriptum, quandode corpore, sive rei substantia constat; error tamen qualitatis adiectæ per modum taxationis, ita ut rei substantiam designet, & contineat, omnino viat dispositionem, vel Rescriptum, ut colligitur ex dictis, & C. super litteris cit. de Rescript. Arqui

Sss 2 error,

error, qui irrepit in posito casu, haud dubie est circa qualitatem pertinentem ad rei substantiam, idéoque adjectam per modum taxationis.

465 Nihilominus dicendum est, errorem illum, qui in posito casu irrepit, nullatenus vitiasse dispensationem illam Pontificiam. Ratio est; quia verba debent servire intentioni; non autem intentio ipsis verbis: atqui intentio Pontificis fuit, velle dispensare in tertio affinitatis gradu, quia haud dubie voluit Pontifex dispensare super eo ipso matrimonii impedimento, quod sibi propositum fuerat, & de quo petebatur dispensatio; propositum autem fuerat impedimentum affinitatis, & de hoc petitam fuit dispensatio: ergo in illo voluit Pontifex dispensare, sive ejus dispensationem Vicario Generali committere; ut adeò error ille præter mandantis intentionem ex scriptoris incuria irrepserit, & idcirco omnino materialem censendum esse, cuius ratio habenda non est: atque adeò posse Vicarium Generale executioni mandare commissionem illam sibi à Pontifice factam, siquidem sufficieret sibi constet, errorem illum non suisse commissum à Cajo in ipsa supplici petitione.

Nec obstat citt. *C. super litteris*, ubi habetur, quod verba Rescripti sunt strictè accipienda, & ad alios

casus, quam expressos, non extendenda.

Nam ibi statim subjungitur: *nisi de intentione mandantis aliud appareret expressè: ex quo potius probatur tradita supra resolutio, cum hīc de mente Pontificis nullatenus dubitari possit, ut supra insinuatum est.*

Aliud tamen foret, si in ipsa Oratoris supplicatione per errorem loco affinitatis posita esset consanguinitas, vel loco Consanguinitatis affinitas. Tunc vitiaretur Rescriptum juxta Stylum Curiae, qui exigit verum impedimentum exprimi teste Corrad. in Curia diu versato, in Praxi dispens. Apost. l. 7. c. 5. n. 71. & leqq. Accedit, quod impedimenta illa sint diversa, & secundum se differant specie, nec unum includatur in altero, dispensatio autem, cum sit odiosa, nequeat extendi ad casum diversum, et si par vel major ratio sit pro altero casu, ut notat Felin. *C. Postulati de Rescr.*

Ad 2. Q. Quando erratur in nomine illius, quo cum dispensatur, videtur, dispensationem subreptitiam, & irritam esse: argumento tum ex *C. significante de Rescript.* desumpto, ubi petitum fuit à Pontifice Rescriptum contra G. Remensis Diœcesis, cum tamen non esset Remensis, sed Leonensis, & decisum est, Rescriptum